

1234
I
J. QUILLAUD, Universitatis & Facultatis Medicinæ Typographi.

DEO OPTIMO MAX.
UNI ET TRINO.

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
*manè discutienda in Scholis Medicorum, die Jovis
decimo quinto Martii 1725.*

M. PHILIPPO CARON, Doctore Medico, &
Facultatis ex-Decano, Præside.

An Senibus tenuis Dieta?

I.

OMNE vivens acquiescit interitui, nulloque ærario
senectus redimenda est; ut antiquos extulit, sic nos
trudet. Certum instat uniuscujusque fatum. Id solâ resolu-
tione terminatur. Cuncta, si hominem exceperis, ruunt
in exitium, cujus est tempus ineluctabile. At videtur Me-
dici Magistratûs ab altissimo instituta creatio, ut structas
omni ætati insidias mortis præcaveat, morbis retinendo,
& efficacius sanitatem tutetur Diætâ, quâ fortis, infantes,
pueros, adolescentes, ævo consistentes, senes cum crudos,
tùm siliernios pascit, & à pluribus injuriis protegit im-
munes. Hæc verò sanitatis cultrix scientia non esset ad-

modum obscura, nisi Medico incumberet primam hominis compaginem, partium quæ dominantur energiam, alimentorum vires, exercitiorum vices & metas, id genus innumera, intelligere solerter.

I I.

SI quæ inter ætates Diæta patrociniū obnixè implorat, maximè senilis ætas. Ea si quidem appareret corporum ruina, & velut aperta putrilago, mox succedanei lethi consanguinea. In sene enim nullæ robustæ sunt functiones; immò est senectus ætas ultima, effæta calore, algore pigra. Marcet ariditate necessariâ; recrementorum uligine copiosâ prægravatur. Annorum certâ contingit vicissitudine plena malis. Quibusdam citò & maturè provenit, velut iis, in quibus æstuat bilis, aut sanguis redundat, aut sapientia præcox insolescit, aut victûs ratio semper fuit illegitima, aut qui sunt infaustis nati parentibus. Qui sunt aliter & humore & spiritu temperati, non nisi serò hæc ætatis clade percelluntur. Pessimè verò cum senibus, mortis viam ingressis ageretur, nisi legitima vivendi methodus institueretur. Diæta enim, in quantitate & facultatibus alimentorum perpendendis, mala quæ senum cervicibus impendent, Medicina vitat.

I I I.

IN castris cum hominibus sævitum est nusquam acritus, quam in culinâ. In dies auctus non potest percenteri numerus eorum, quos ingluvies & gulæ condimenta in conditorium profecuta sunt. Non vivitur, ut prisca gens mortalium; id quod tantum palato sapit acriter, rapidè, indiscriminatim, tumultuosè, cæco impetu, opinione subdola, sepelitur ventribus. Non vivere, sed vixisse videntur homines. Juventus ipsa, senectus est. Liceat tamen adolescentibus, qui nondum debitæ figuræ susceperunt incrementa, genio passim indulgere & robustioribus. Suo ita dif-

3

cunt damno, sed nondum inemendabili, uti prudentiâ, quâ diutiùs vivant, si non stolidi & insipientes. At senibus alimentorum exuperantia prorsùs interdicti debet omnis; immò valdè mediocri indigent pabulo. Ætate enim pro-
vecti perspirant minùs. Senes licèt sani, quâvis die reficiendi sunt cibis, qui facillè digerantur, qui ordine sumantur præscripto. Iis coenâ prandium salubrius est si sit ex assueto. Sic Antiochus Medicus degens ad ultimam vitæ periodum perennavit sensibus integerrimis.

I V.

EA victûs exilitas senibus tamen non est præscribenda, quæ per solam inediam, Melicratum aut Prisanæ lucum ægros infestabat; alimentorum immò copia aut parsimonia, ponderanda est maximè, ex caloris innati qui senes refocillat efficientiâ superstire. Licèt enim vitæ calidum ita senes deseruerit, ut non magis alimentorum possint tolerare, quàm lucernæ humore defectæ oleum affatim affusum. Tamen quibusdam ita viridis est & vegeta senectus, ut pluribus egeant succendiculis. In iis victûs legem ex coctionis felicitate, Medicus, Adjutor, Contemplator & minister naturæ, prudenter metietur. At habitâ inclinantis ætatis ratione, semper in pleniore magis quàm tenuiore victu delinquitur. Ferunt enim veterani libenter jejunium, non juvenes; quia per inedias ipsorum calor, in conficiendâ pituitâ quæ luxuriat, indefinenter occupatur. Senile enim quodcumque corpus frigidum est. Hinc rarò inardescit febribus, agrè concoquit; undè nihil mirum, hâc si in ætate obtundatur appetitus cum viribus.

V.

QUISQUIS senectæ limen ingressus est, salubri disciplina morem gerere, suspectumque habere debet

vigorem illum, qui brevi elanguescens, post modum concidet. Senibus enim atque juvenibus dispar est omnino vitalis calor. Juvenes qui perspirant magis, majori indigent pabulo, ut reparetur id quod jugiter avolat. At in senibus vitium omne est, perspiratio cum functionibus. Ideo cum antiqua omnis turba nihil penè possideat, præter juvenilis teporis Empyreuma, necesse est ut legitimo, sed tenui ferulorum apparatu excipiat. Ita sanitas fit diuturnior, & arcetur aliquandiu, caloris senio fatifcentis extinctio. Optimis igitur debent nutrir senes, sed non satiari cibis. A venere abstineant Iis infauftæ sunt nuptiæ. Duspepta, acida, acria, angue pejora, ut meraciorem Bacchum, fugiant. Vinum, licet vulgò lac senum, aquâ temperari debet. Epotent vina, sed matura, acidis non aspera, quæ partes roborant, non urant, alimentorum digestionem non lædant, sed juvent. Solidæ enim & fluidæ partes in senectute (quæ ipsa morbus est) effretæ prorsus sunt & imbelles. Hæc ætate accescunt liquores & facillimè ferèque in fœces vertuntur; moventur lentius; pluribus desident in locis. Hæc dum fiunt, solida perversè oscillantur, arescunt vasa, laxa concidunt, inertes jacent elateres. Sic ex utrâque parte, machina tandem est ruinæ proxima, nisi legitimo victu, id quod superest vitæ, diutius & quantum homini datum est, fervetur exactius.

Ergo Senibus tenuis Dieta.

Proponebat Parisiis JOACHIMUS - JOANNES
COSTAR, Parisinus, Baccalaureus Medicus
A. R. S. H. M. DCC. XXV. ab octavâ ad meridiem.